

Table with columns: Anni Periodi Iuliani, Anni ab orbe cond., Anni Olymp., Anni urbis conditæ, Anni æræ vulg., Anni veri Chr., Anni correct. Iul., Anni imp. Tib. Entries include COSS. C. Asinius Pollio, Valerius Gratus, COSS. Sex. Cornelius Cethegus, COSS. Cn. Lentulus Isauricus, COSS. Cn. Cornel. Lentulus Getulicus, COSS. M. Licinius Crassus, COSS. Appius Iulius Silanus, COSS. C. Rubellius Geminus, COSS. M. Vipsianus Messalinus, COSS. Cl. Tiberius Nero.

Table with columns: Anni Periodi Iuliani, Anni ab orbe cond., Anni Olymp., Anni urbis conditæ, Anni æræ vulg., Anni veri Chr., Anni correct. Iul., Anni imp. Tib. Entries include SECUNDUM PASCHA ministerij Christi, TERTIUM PASCHA ministerij Christi, COSS. C. Domitius Ahenobarbus, COSS. Serv. Sulpicius Galba, QUARTUM, & ultimum Christi PASCHA.

HISTORIA CHRISTIANORUM

& Iudeorum ab Ascensione Domini ad Bellum Iudaicum.

Table with columns: Anni æræ vulg., RES CHRISTIANORUM, RES IUDÆORUM, Anni imper. TIBER., Anni imper. CALIGULÆ. Entries include DIE 14. Maij, CHRISTUS ascendit in Cælum, PHILIPPUS TETRARCHA, SAULUS post annos 3. à conversione sua, venit Hierosolimam.

RES CHRISTIANORUM

Anni
eræ
vulg.

abijt Tharsum, *Ibid.* 30. venitque in regiones Syriæ & Ciliciæ, hæcenus ignorus Ecclesiis, *Galat.* 1. 22.

Ecclesiæ autem habentes pacem multiplicabantur, *Actor.* 9. 31.

Has visitans Petrus, varias provincias peragrat, *Ibid.* 32. Tuncque ANTIOCHIAM venisse, & ibi sedem collocasse videtur.

38 Liddæ Æneam sanavit, (34.) Ioppe Tabitham suscitavit, (34.) multosque dies apud Simonem Coriarium mansit, (34.)

39 CORNELIUS CENTURIO à Petro convertitur, *Act.* 10. 25. & 48.

40 Discipuli à persecutione facta sub Stephano, dispersi, veniunt Antiochiam, ubi etiam mittitur Barnabas ab Ecclesia quæ erat Ierusalem, *Actor.* 11. 19.

41 Profectus est Tharsum BARNABAS ut quæreret SAULUM quem duxit Antiochiam; ibique discipuli primum dicti sunt CHRISTIANI, *Actor.* 11. 25. & 26.

42 Ingruente fame ab Agabo prædicta (quam Claudij anno 2. contigisse patet ex Dione) Antiocheni, fratribus Iudeis subsidium mittunt per Barnabam & Saulum, *Act.* 11. 28. & c.

Interim Petrus è carcere liberatus abiit in alium locum, *Act.* 12. 17. Unde commodè conjicitur eum Occidentem petiisse, ROMAMQUE pervenisse, ac sedem ibi suam collocasse circa initium anni sequentis.

Cum Antiochiam regressi essent Saulus & Barnabas, iussit eos Spiritus sanctus segregari in ministerium prædicandi, *Act.* 13. 2.

SERGIUS PAULUS ad fidem convertitur, indeque Saulus, novo PAULI nomine semper est appellatus, *Ibid.* 9. & c.

43 Iconii, facto impetu in Paulum & Barnabam, ipsi Lystram profugerunt; ubi claudum ab utero matris cum Saulus sanasset, ei ut Mercurio, & Barnabæ uti Iovi plebs sacrificare voluit. Mox excitato tumultu, Paulum lapidatum extra urbem traxerunt quasi mortuum, *Act.* 14. 5. 6. & c.

HOC ANNO, & hoc etiam fortasse tempore RAPTUS EST PAULUS in Cælum: ante annos scilicet 14. quam posteriorem ad Corinthios epistolam scriberet, *2. Corinth.* 12. 2.

Lystrâ Derben profecti, multos Christo lucriferunt, *Act.* 14. 19.

Inter hos TIMOTHEUM cum matre Eunice & avia Loide, *2. Tim.* 1. 5. & cap. 3. 11.

44 Derben non prætergressi Antiochiam Pisidiæ redierunt, descenderuntque Attaliam, & illinc navigaverunt Antiochiam Syriæ; ubi, congregatâ Ecclesiâ, retulerunt quanta per eos fecisset Deus, *Actor.* 14. 25. & 26.

RES IUDÆORUM.

Anni
imper.
CALI-
GULÆ.

Agrippa regnum petens, Alexandriam devenit, ubi Alexandrini eum traducunt, *Philo.* Eodem modo Regi Iudæorum illudentes, quo vero suo Domino IESU CHRISTO, ante quinquennium illuserant Iudæi.

HERODIAS fratrem Agrippam regiâ dignitate fulgentem videns, Antipæ viro suo suadet ut Romam contenderent. Sed ab Agrippa per litteras accusati, in exilium, Lugdunum Galliæ relegantur, *Ioseph.*

PILATUS quoque, tantis, irrogante Caio, angoribus coarctatus est, ut propriâ se manu interfecisset, *Hieron. Euseb.*

PETRONIUS, mandato Imperatoris statum eius in Templo inferre parat, sed Iudæorum clamore ac fletu motus rem distulit. Cæsar verò mortem Petronio minatus est: At paulò post à Chærea ipse est interfectus, sicque Petronius servatus, *Ioseph.* Nono Calend. Febr. ipsam eadem factam memorat Sueton. cum ipse imperasset triennio, & decem mens.

In eius locum patruus ipsius CLAUDIUS Cæsar, Drusi filius, à militibus est Imperator declaratus, *Dio.*

Ab Agrippa etiam adiutus, unde cum Claudius in regno confirmavit, additâ etiam Iudæâ, Samariâ, Abilenâ, & Lisanie ditione, *Ioseph.*

AGRIPPA ad demerendos Iudæos, IACOBUM fratrem Ioannis occidit gladio, PETRUM verò in carcerem deiecit diebus Azymorum, unde ab Angelo est liberatus. Cùmque non invenisset eam Agrippa, custodes duci iussit ad supplicium, *Act.* 12. 1. & c.

Agrippa cum iam tertium totius regni Iudææ annum impleret, Cæsaream venit, ubi cum pro tribunali concionaretur ad populum, percussit illum Angelus Domini, *Act.* 12. 19. & c. Sicque vitam finit, annum agens regni 7. quorum ferè 4. sub Caio in Galilæa regnavit, reliquos sub Claudio cum rex totius Iudææ fuit, *Ioseph.*

Eius filius AGRIPPA IUNIOR, annum agens 17. Romæ tunc educabatur, quem cum vellent Claudius paterni regni successorem remittere, dissuadentibus liberis, præsidem misit CLAUD. CUSP. FADUM, *Ioseph.*

RES CHRISTIANORUM.

Anni
eræ
vulg.

45 Paulus & Barnabas Antiochiæ non parum temporis commorati sunt, *Ibid.* 27. Post quod, Paulus, Christi Evangelium usque ad Illyricum propagavisse videtur, iis qui de Christo nihil audierunt, *Rom.* 15. 19. & 21. eaque perpeffus quæ 2. ad *Corinth.* 11. 23. & c. ipse commemorat.

46

48

49 Quidam de secta Phariseorum Antiochiam venientes, Christianos ex Gentibus circumcidi oportere dicebant, quibus Paulus & Barnabas acriter se opposuerunt, *Actor.* 15. 1. 2. & 5.

50 Paulus annis 14. post primam professionem Hierosolymitanam, ascendit rursus Hierosolymam, cum Barnaba, TITO, (quem ad circumcissionem cogi noluit) & aliis: ut Apostolorum de una oborta controversia sententiam exquirerent, *Actor.* 15. 2. 6. & 7. cum *Gal.* 2. 2.

CONCILIO HIERSOLYMIS HABITO, Synodica ad Antiochenos Epistola mittitur, *Act.* 15. 23. Antiochiam cum venisset Petrus, eius simulationem non ferens Paulus, eum coram omnibus redarguit, *Gal.* 2. 11.

51 Dissensio facta est inter Paulum & Barnabam, occasione Marci, quo assumpto Barnabas Cyprum navigat, Paulus verò allecio Sylâ, peragrat Syriam, Ciliciam, venitque Lystram, ubi TIMOTHEUM sibi assumit, prius curans eum circumcidi, *Act.* 15. 39. & 41. & 16. 1.

Phrygiâ deinde peragrata, veniunt Troadem, ubi Lucas se Paulo adiunxisse videtur, quippe qui hinc in prima persona semper loquatur, *Statim*, inquit, *quæstivimus proficisci in Macedoniam, & c. Actor.* 16. 10.

Philippus, Lydiam purpurariam ad fidem convertit Paulus, *Act.* 16. 14.

Paulus & Silas virgis cæsi in carceremque detrusi sunt, ubi orantibus illis mediâ nocte, magno terræ motu facta fores carceris apertæ sunt, iubentibus verò Prætoribus ut liberi dimitterentur, de iniuria sibi illata, quod civis Romani essent, exposulant, *Act.* 16. 23. & c.

52 Paulus Athenis Silam & Timotheum expectans de Christo & IGNOTO DEO disceptat, Dionysiumque Areopagitam ad fidem convertit, *Actor.* 17. 23. & 34.

Paulus cum semel & iterum Thessalonicam voluisset proficisci, à satana est prædeditus, ideoque Timotheum eò misit, qui in fide eos confirmaret, *Act.* 18. 5. 6. & 1. *Thessal.* 2. 16. & 3. 2.

Interim ipse venit Corinthum, ubi Iudæum AQUILAM & PRISCILLAM eius uxorem invenit, apud quos manens operabatur, & diserebat Sabbatis in Synagoga. Cumque Dominus Paulum confortasset, iussissetque nihil timere, sed loquere, illic annum & 6. menses commoratus est, *Act.* 18. 2. 9. 18. & 23. Unâ cum Silvano sive Sila & Timotheo, *2. Corinth.* 1. 19.

Post reditum Timothei è Macedonia, Paulus PRIOREM AD THESSALONICENSES scripsit epistolam, *1. Thessal.* 3. 2. Datâ etiam paulò post ad eisdem SECUNDA, ubi clarius, quæ de die iudicii erat locutus, explicat, *2. Thessal.* 2. 2. & c.

53 Cùm GALLIO (L. Senecæ Philosophi frater) Proconsul esset Achaiæ, Iudæi Corinthii Paulum ad illius

RES IUDÆORUM.

Anni
imper.
CLAUD.

Claudius Fado rescripsit ut Iudæis permitteret stolæ Pontificiæ custodiam, *Ioseph.*

Eodem etiam tempore HERODES REX CHALCIDIS impetravit potentiam in templum, usque eligendi summi Pontificis. ET ELENA ADIABENORUM REGINA (in Assyriæ & Mesopotamiæ confinibus) ad Dei cultum conversa est, *Ioseph.*

Fado in Iudææ procuratore successit TIBERIUS ALEXANDER, Alexandri Alabarchæ filius, *Ioseph.*

Tib. Alexandro successit VENTIDIUS CUMANUS, & Herodes Rex Chalcidis, magni Agrippæ frater vitâ decepsit, *Ioseph.*

Ituræi & Iudæi, defunctis regibus Sohemo & Agrippâ, provinciæ Syriæ additi sunt, *Tacit.* & Regnum Chalcidis Agrippæ iuniori concessum, indeque anni eius à Iosepho numerati. Iudææ verò regnum, ita Syriæ additum est, ut proprios procuratores acciperet: Ventidio Cumano Iudææ Galilæaque administrationem retinente: in interiectam autem inter utramque Samariam, misso Procuratore FELICE. Qui intempestivis remediis delicta accendebat, æmulo ad deterrima Cumano, *Tacit. Ioseph.*

Neroni virilis toga data & Proconsulare extra urbem imperium. Bellum inter Armenos & Iberos confutum. Parthi Armeniam invadunt, Rhadamistus inde pellitur, *Tacit. Annal.* 12.

Inter Galilæos & Samaritanos orto conficto, multi Galilæorum desiderati sunt: Hierosolymis relicta diei solemnitate armatum vulgus imperum in Samariam fecit. Cumanus favens Samaritanis, multos Iudæorum interfecit, *Ioseph.*

Re ad Numidium Torquatum Syriæ præsidem delatâ, in Iudæam cum venisset, Iudæorum primores, Cumanumque Romam misit, ut causam coram Cæsare dicerent, qui intercedente iunior Agrippâ Samaritanis supplicio affecit: procuratorem deinde in Iudæam destinavit CLAUDIUM FELICEM, fratrem Pallantis Claudij Imp. Liberti, ut eam provinciam unâ cum Samaria & Galilæa administraret, *Ioseph.* Quem per omnem servitiam ac libidinem, ius regium servili ingenio exercuisse, ait Tacitus, *Annal.* lib. 1. 2.

Cum Agrippa iunior per quadriennium præfisset Chalcidi, Claudius eum in maius regnum transf-